



Maiatzaren 6an Andoaingo Santa Krutz jaietan antolatutako sagardo txapelketaren irabazleak: Gaztañaga (Andoain), Oianume (Urnieta) eta Urdaira (Usurbil). GARA

Erakusleihorik onena

Sagardo egunak eta txapelketak dira sagardogileen ekoizpena ezagutarazteko gunerik aproposenak

JS. | DONOSTIA

Udaberriarekin batera hasten dira sagardotegiak beren upeletako sagardoa botilaratzen eta une horretan hasten dira antolatzen sagardo egunak eta txapelketak Euskal Herriko herri eta auzo askotan. Zalantzarik gabe, hauexek dira sagardogile-

en emaitza jendartean ezagutzera emateko erakusleihorik onenak.

Sagardo egun hauek urte asko dituzte bizkar gainean, horien artean denboraldiari hasiera ematen dion Errenteriakoak. Niessen elkarteak antolatzen duen sagardo eguna joan den

apirilaren 28an ospatu zen eta aurten 30 urte bete ditu.

Dagoeneko izan den beste sagardo txapelketa joan den maiatzaren 6an Andoaingo Santa Krutz jaietan egin zena da, Zumeatarra elkarteak antolatzen duena. Aurten 39 urte bete ditu eta bertan 18 sagardotegik hartu

zuten parte. Txapela herrian bertan geratu zen, Gaztañaga sagardotegiak jaso baitzituen zortzi kidez osatutako epaimahaiak emandako puntu gehienak. Bigarren postua Urnietako Oianume sagardotegiarentzat izan zen eta hirugarrena, Usurbilgo Urdairarentzat.

Gaztañaga sagardotegiak hainbat txapel irabazi ditu azken hilabeteotan bere upeletako sagardoarekin. Joan den urteko irailean, adibidez, Azpeitian jokatu zen Euskal Herriko III. Txapelketa Herrikoian lehenbiziko postua irabazi zuen, Adunako Aburuza eta Astigarragako Irigoien-Herrero sagardotegien aurretik geratuz.

Egutegiarekin aurrera eginez, ospe handiko beste txapelketa Tolosako sanjoanetan egiten dena da. Bertan hogeit hamar sagardotegi inguruk hartzen du parte eta aurten 47. urtea da Batasuna elkarteak antolatzen duela.

Hala eta guztiz ere, sagardo txapelketarik beterranoena abuztuaren erdialdean Ergobiko jai batzordeak antolatzen duena da. Izan ere, aurtengoa prestatzen duen 57. edizioa izango da. Bertan ere hogeit hamar sagardotegi inguruk hartzen du parte urtero.

Udako egutegiari amaiera emanez, irailaren 1ean izango da aurten Donostiako sagardo egun handia. Bertako arkupeetan 30 sagardotegi inguru izango dira eta guztien artean 5.000 botila inguru banatuko dituzte.

sulabe
Ogirik beroena

Irrigoenea Okindegia. Hernani
Tel. 943 331 725

Peña Okindegia. Hernani
Tel. 943 552 398

Sulabe Kafetegia. Beraun
Tel. 943 529 237

Sulabe. Hernani
Tel. 943 554 954

Eraman zure mahaira Sulabe ogia

www.sulabe.com

SAGARDO EGUNAK 2018

IRUN: Maiatzak 12

MEAGA (Getaria): Maiatzak 13

LEZO: Maiatzak 19

USURBIL: Maiatzak 20

MORLANS (Donostia): Maiatzak 20

OIARTZUN: Maiatzak 26

PASAI ANTXO: Ekainak 2

AZKOTIA: Ekainak 3

BAIONA: Ekainak 9

LEITZA: Ekainak 9

MARTUTENE: Ekainak 12

ANOETA: Ekainak 16

HENDAIA: Ekainak 16

ORDIZIA: Uztailak 8

AIZARNAZABAL: Uztailak 21

AZPEITIA: Uztailak 25

ASTIGARRAGA: Uztailak 26

HONDARRIBIA: Uztailak 28

ELGOIBAR: Abuztuak 25

DONOSTIA: Irailak 1